

ХҮРЬГЭН

Нэгэтэ угаа сүлөөгүй байхадам, үнинэй танил хүдөөгэй хургуулин багша Клара Антоновна орожо ерээд, ябаһан хэрэг зоригоо зугаалба:

— Танай зохёон бэшэһэн нэгэдэхи, хоёрдохи классуудай номуудые бэдэрээд олобогүйб, ядахын сагта намда нэгэшье номоо үгыт даа.

— Нэгэшье номоо үгэхэ аргагүйлби, өөртэмни нэгэ-нэгэ номууд үлэнхэй, теэд тэдэмни үдэр бүри ажалдамни хэрэгтэй юмэл.

Клара Антоновна хүндөөр һанаа алдаад, ябаһан хэрэгээ тодоор ойлгуулба:

— Би өөртөө эринэ бэшэб. Хурьгэнтэм аяар Германиһаа айлшалжа ерэнхэй. Хүбүүн басаган хоёртой. Басагамни хургуулида түрэлхи хэлээ үзөөгүй юм, тиимэхээ тал-мүл зугаалха шадалтай. Зээнэрни хоёр хэлэн дээрэ зугаалдаг: немец ба ород. Ород хэлэндэ үхибүүдээ басагамни хургаа. Хурьгэмни сэрэгэй хүн: полковник зэргэтэй, буряад һамгатай хадаа буряад хэлэ өөрөө шудална, үхибүүдээ хургана, тиигээд городто номуудые бэдэржэ ерэхэн хүм.

Немец яһанай үхибүүдэй буряад хэлэндэ һуража байхадань, угаа ехээр баярлаһандаа, өөрынгөө номуудта гараа табяад, үнэн зүрхэнһөө бэлэглээ һэм.